

清刻历代画像传

中国古代艺术书籍精选

主编 来新夏

传统版



天津人民美术出版社

下卷

中国古代艺术书籍精选

清刻历代画像传

主编 来新夏

下卷



天津人民美术出版社



高祖姓劉諱邦字季沛人也少有大度不事
家人生產作業初為泗上亭長為縣送徒驪
山徒多道亡乃縱之曰公等皆玄吾亦從也
此矣徒中壯士願從者十餘人夜經澤中有
大蛇當道高祖拔劍斬之後起兵沛上已
秦滅楚而有天下興漢四百年之基業

漢
高
祖





呂公單父人善相法漢高祖為
亭長時求其相呂公見其狀貌
甚敬重之因謂高祖曰臣相人
多矣未有如君之相者願君自
愛臣有息女願為箕箒妾遂妻
高祖後即呂后

吕公





留侯姓張諱良字子房韓人也良之先人五世
相韓韓為秦所滅良乃散千金之產募壯士
以為韓報仇時正遇秦始皇東遊五陽武具
博浪沙中良乃令力士操鉄椎狙擊始皇誤
中副車始皇驚令天下大索十日弗得後
良佐漢高帝定天下為留侯



留侯張子房





西楚霸王項籍字羽下相人也世為楚將封於項故
姓項氏少時學書不成去學劍又不成其季父梁怒
之王曰書記姓名而已劍一人敵不足學學萬人敵
梁乃教兵法王大喜畧知其意又不肯竟學後梁殺
人與王避仇吳下王長八尺餘力能扛鼎才氣過人
吳中子弟皆憚之陳涉起兵王年二十四亦從梁舉
事梁敗死王復破秦軍遂屠咸陽殺子嬰自立為西
楚霸王後與漢高祖戰敗刎於烏江時年三十有一



霸王項籍





諸虛侯漢高帝後人也時高帝崩呂后
欲王諸呂大宴於宮中令章為酒吏章
請曰臣將種也請得以軍法行酒后許
之頃之有一醉亡者章追斬之還報諸
呂人人皆憚後呂后崩諸呂欲為亂章
乃與平勃謀悉捕諸呂以安漢室



諸
壹
侯
劉
章





張騫漢中人建元中為郎
應募使大宛尋河涼乘槎

至一處遇織女以石支機

見騫取石與之



張
騫





司馬遷字子長龍門人父談為太史官嘗謂遷曰漢興海內一統明主聖君忠臣義士予為太史而不論載廢天下之文予甚懼為爾其念哉談卒三歲而遷為太史令續父談書創為義例起黃帝迄漢武獲麟之歲撰成十表本紀十二書八世家三十列傳七十凡一百三十篇草創未就會遭李陵之禍下遷腐刑既死後其書始出至宣帝時外甥楊惲祖述其意遂宣布焉漢褚少孫補之宋裴駙解之



龍門司馬子長





蘇武字子卿杜陵人漢武帝使以中郎將持節與張勝常惠等出使匈奴單于欲降公使衛律召公受衆公引佩刀自刺得驚自抱持之馳召醫鑿地為坎置煖火覆公其上蹈其背以出血公氣危半日復息單于壯其節遣人候問當公愈復使衛律說公降公不從單于乃幽置大窖中絕其飲食天雨雪公卧齧雪其旃毛并咽之又徙公北海上使牧羶羶乳乃得歸廩食不互掘野鼠取草實而食之杖漢節牧羊卧起持節旄盡落積五年後稍有給賜後復窮厄李陵復說公降公拒之聞武帝崩南向號哭嘔血旦夕臨數月昭帝即位使人再求公使者詐言天子射上林中得雁足有係帛書言武等在某澤中以讓單于單于乃歸公及常惠等公留匈奴凡十六載始以彊壯出及還鬚髮皆白年八十餘圖刑麒麟閣